

精鈔
大字

隨

園

全

集

詩集

十三

大雅堂
隨園全集
卷五
五

小倉山房詩集卷十七

壬午癸未

錢唐袁枚子才

元日

將老戀韶光。當春重元日。晨興整冠裳。焚香坐空室。黃梅香尚幽。白雪消未畢。念此良辰晴。數天齊道吉。觸景如逢新。懷舊若有失。逝者幾何年。公然四十七。久辭待漏霜。空對書雲畢。履端人未來。坐日吾始出。珍重此寸陰。不覺搔兩膝。吟成今年詩。開卷此其一。

題王少林北征集

江左烏衣客。河梁白馬行。林花金谷樹。聽雨洛陽城。古蹟歸游子。中州得正聲。遙知年少日。不讓賈生名。愛汝新詩好。傷予舊雨寒。阿戎如此秀。大阮不同看。風斷山陽笛。花開謝氏闌。悔才兼憶昔。掩卷淚闌干。傷孟亭先生

棟在中席上贈樹齋雨林兩公子

與君未見已相思。况復雙攀玉樹枝。外戚

恩榮同扈駕。建安兄弟各能詩。西園水暖班

荆早。東郭燈紅散酒遲。難得雲龍徵逐處。江南三月落花時。

吳歌宛轉管絃聞。綺席同

陪棟使君。白羽扇涼詞客寫。紫羅裘好雪兒分。偶來天上春將去。並坐花間鳥戀羣。我欲吹簫招子晉。還陪雙鳳入青雲。

題樹齋贈別胡郎詩後

聽唱驪歌別阿儂。搖鞭無奈管絃終。桃花昨夜相思淚。背著春山獨自紅。
滿鞍紅兒相送小長干。老大萬種風懷淡。只覺人閒別最難。花滿春堤月

魚門極愛萬石坡遺集金讀之中有與袁子才曉雨之作愴然感舊為題一詩

偶翻亡友樂于集中有同吟我姓名。二十年前春雨夜。九重天外化人城。雲璈品逸宮商冷。
鸚鵡才高福分清。難得心香最供奉。未曾傾蓋一程生。

贈陸鮑兩秀才

人閒竟有雙珠樹。天瑞真同五色雲。惆悵貞元老朝士。風懷振觸少年羣。
名士翩翩半

渡江。清才若個最心降。侍中風貌南朝重。何偃長明是一雙。

題陳梅岑詩卷

元郎秋夕清都夜。都是吟成十六時。似爾一編清似雪。論年遺更小微之。
千字更聞成誦十三經。對君不敢低頭看。恐是瑤光第六星。試罷猶書九

寄樹齋雨林

恨事如流水。都來三月中。人閒送公子。天上別春風。班馬數聲響。落花滿地紅。所思人不見。
燈影小樓空。擁髯吳兒舞。題襟楚客狂。才當懽笑處。已是別離場。扈蹕程應緩。懷余夢

可忙知君射飛鳥。不必向南望。後會益無日。前期未可知。心如一輪月。光照兩瓊枝。羽
便宜通札。官閒好寄詩。年年東流水。流不盡相思。

與師健中丞相見 宮門別後却寄

投簪久不到丹墀。為訪星躔立片時。握手教同中貴坐。低聲私詠見懷詩。老臣身健龍顏喜
元首恩深雀弁知。公新賜未敢掃門非我嬾。眷隆多半下朝遲。

酒友歌

與程荆南同游惠山。飲惠泉酒大醉。荆南作泉酒行笑余。余作酒友歌。轉笑荆南。
隨園先生任生口。能食能言不能酒。獨醒人閒四十年。天降酒星為酒友。酒友酒友程荆南。
酒車騰酌日再三。糟漿之氣衝鼻起。百步之外人先酤。與余同下蘇州道。一月忘修杜康廟。
望見前村賣酒旂。口雖不語心先笑。惠山泉碧酒材良。賜汝一壺思渴羌。君言主人不先客。
不舉強余嗑嗑醺。半觴傾刻玉山頽。不住頭若朋雲眼。墜簪務無福能交顧建康。有心欲殺孫
主簿。還君灑酒巾。封君酒藏吏。君量大如取兗州。我量小如守欽器。豈徒割席拒華歆。將縛
衣冠射將濟。

偶作

晴太溫和雨太涼。江南春事費商量。楊花不倚東風勢。怎好漫天獨自狂。

題蔣申吉蘇州竹枝詞

百首新詩紀土風。風光寫盡一年中。分明小坐橫塘雨。吳語零星聽阿戎。
廿載通家話
最長白頭相見感滄桑。能言慶歷昇平事。端賴屯田墨數行。

楓橋有懷

枕上釵痕暈未消。水邊蘭漿送歸潮。雪花點盡楓橋路。中有情人憶昨宵。
昨宵霜重錦衾寒。左臂隨郎枕未安。時與阿侯爭阿母。沒分身處教卿難。

五月五日竹嶼山房即事

五月五日橫塘棹。欲泊不泊詩人家。詩人愛客不見客。尋客似尋菖蒲花。一行名紙來相請。
主人先在歌場等。迎得開元鶴髮翁。紅兒都把花冠整。就中飛燕尤輕盈。與余相識如有情。
調笙舊譜鶻絃譜。橫笛新翻水調聲。滿堂詞客齊拍手。清曠所矚君知否。留得當場壓隊
花。那愁似海東家酒。親挽嚴妝坐綺筵。冠纓欲挂倍纏綿。詩境重開鋪錦地。春心欲闔水嬉
天。曲終送客高樓宿。樓上垂楊晚烟綠。竹響才消歌吹音。夢回還照金花燭。明朝搖櫓泛餘
杭。曳雪雲雲別陸郎。
調僕
堂
彈指人生能有幾。客中如此作端陽。

舟近錢塘望西湖山色因感舊游

久客還鄉夜不眠。望鄉長自立帆前。一痕山送西湖色。萬種情深故國天。舊宅蕭條傷往事。

此身生長記華年。道青已接還遮住。可是蘇堤幾點烟。

隴上作

掃墓先為別墓愁。此來又隔幾經秋。每思故國期還趙。忍向重泉說報劉。華表風前烏繞樹。紙灰烟裏客回頭。懷中襁褓今斑白。地下相看也淚流。

冷泉亭遲荆南不至題石上而歸

飛鳥暮歸山色裡。懷人心斷水聲中。君如來取春泉飲。定有相思味不同。

孤山范公祠是少時肄業之所重過有作

舊游真箇似前生。水榭風廊到眼驚。滿樹黃鸝應識我。當年聽過讀書聲。曾擒蟋蟀傍

西牆。曾捉楊花過野塘。今日教儂理前事。不知何故沒心腸。物換星移三十秋。輕塵短夢

水西流。道人不是無尋處。山上萋萋土一邱。斜陽不改舊山門。堤柳依然對酒尊。只有

西湖比前冷。照人頭髮作霜痕。

韞光寺

左旋竹色繞。右折竹徑昏。萬竹綠成海。一峰青當門。我來逢日暮。石磴滋苔紋。微覺暗泉響。不見銀河奔。誰知鳴竹腹。百道相糾紛。九天落珠璣。僧廚瓦上聞。小憩金蓮池。寒玉浮鱗鱗。湖光窮目力。海影搖窗痕。晝畢回平願。來陪金仙尊。同持碧鸞尾。日掃青天雲。

湖心亭登臺望月同程錢兩秀才作

湖心更深春月朗。一亭如雲飄水上。水精宮有三人來。同踏空濛神恍恍。紋綃萬重烟裏樹。竹笛一聲漁動槳。亭旁露臺高百尺。雕欄上接廣寒廣。登臺欲捧爛銀盤。白榆歷歷指諸掌。月如開戶光無邊。星豈叛天去成黨。九州地缺琉璃補。半夜潮聲蓬櫓響。疑乘紙鳶身欲飛。怕觸銀河頭不仰。此特高唱昇天行。衣裳飄飄作雲翥。但見萬川印為一。那信人天還有兩。仙子仙乎如相招。風車一下吾其往。

龍井

龍厭西湖喧。別選藏珠宅。澄泓一井泉。搖漾半天碧。葉蘭寫銜去。魚行人不隔。時方迎六龍。崖磴如開闢。穿竇濟靈源。絕沙出奇石。瀑布九天來。散作千處白。噴珠隕雜花。洒面亂飛雪。傾耳聲洋洋。琤琤碎環壁。臺高石柱寒。松古蒼烟積。試茗人忘歸。水明天不夕。

飛來峯

奇山虛空飛。落地偶然借。愛此西湖佳。不歸成久假。我來入洞行。低頭甘出胯。濯濯蓮花垂。隱隱哀泉瀉。魔降獅吼伏。甲蛻龍戰罷。陰崖飛蝙蝠。丹梯聳雲架。疑是夸娥移。左股痕未化。又疑巨靈擘。仙掌分大華。容卿數百人。空洞殊可訝。毛髮漸淅灑。方午已疑夜。萬古不見日。四

時寧有夏。隙小初漏天。雲生又補罅。前穴風雨聲。再探心已怕。

玉泉觀魚

玉泉何澄清。銀河移在地。戢戢萬魚頭。空行渺無際。紅鱗金陸離。白小影搖曳。規客若有情。銜花儼相戲。池閒行藻長。風定水烟細。可惜夕陽沈。鐘聲雲外至。春生腰客游。各有歸意。回首波聲微。淡月僧門開。

岳武穆墓

岳王墳上鳥聲悲。半是黃鸝半子規。鐵像至今長跪拜。金牌當日早班師。清宮客少王思禮。前進兵輸來護兒。公本純臣無底恨。可憐慈聖不知時。

阿奴

阿奴碌碌竟何之。如此江山雨鬢絲。過去雄心消易盡。送來老字倒難辭。尊前春到花能覺。身後名傳鬼不知。寄語人間行樂者。信陵公子是吾師。

九月十九夜

漏轉三更萬籟空。霜華滿地樹搖風。老鷗窺戶乾笑去。中有一燈坐一翁。

望山公嫌枚蹤跡太疎賦詩言志

不是師門意嬾行。尚書應諒草茅情。聽來官鼓心終怯。換到朝靴足便驚。老眼書銜愁小字。

詩人得寵怕虛名。閒時每看青天月。長恐孤雲翳太清。

向平婚嫁事匆匆。今歲光陰道

路中。一字不曾忘訓誨。終年只當坐春風。月臨秋水增顏色。松抱青山托始終。若戀花莊栽小草。頻來敢負蠟花紅。

送潘宇晴室齋榆

潘郎頭白賦彈冠。珂馬蕭蕭臘月寒。捧檄莫嫌行路遠。栽桑好作種花看。郡分東海風烟古。地過黃河氣象寬。此去陰平吾舊治。遺民可有問袁安。

錢東麓少司農典試江南其尊人香樹尚書來看榜發

令子衡文地。尚書與節臨。雲山懷舊廐。桃李認新陰。代畢趨庭事。兼催赴闕心。聖明如有問。老健是恩深。國瑞兼家慶。如公古所難。龍門高膝下。鳩杖重朝端。杖膳官支俸。天書帝問安。門生都隔代。羅列當孫看。

聞香亭舉京兆

喜鵲清晨噪屋端。驚聞捷報自長安。姓名豈有傳抄誤。科第從來後起難。

先闕題名上誤多一

玉樹新陰秋爛漫。花磚舊影日高寒。阿兄宮錦多年忘。今夕開箱帶笑看。銀袍鵲立曉

風清。定有人呼小宋名。遲我十科成後輩。多君一戰振家聲。花開荆樹遙分氣。雁到青雲

不讓行。只恐烟蘿騰冷笑。叔疑子弟又為卿。

送魚門舍人入都

省郎簪筆侍丹闈。綵鷁乘風向北飛。深喜故人從此貴。恰憐知己自今稀。長卿家破官纔得。荀子才高願豈違。忍住頭顱未成雪。聖明時際莫言歸。雲龍蹤跡記前因。海內論文子最親。山館夜涼分聽雨。水窗花落共傷春。聯牀尚作同游夢。上馬頻驚欲去身。此後蕭齋風月冷。再懸陳榻恐無人。幽燕此去路迢遙。往日鴻泥迹未消。判事莫談溫室樹。遷官

穩戴侍中貂。十行漢詔揮新墨。一卷唐詩補早朝。想見上林烟柳外。李良長鬣影蕭條。
舍人
中年容易動深情。況唱驪歌與客聽。折柳路從江上盡。斷腸人對暮天青。霜鴻雨漸秋千里。桐樹心孤月一庭。妻子不知緣底事。臉邊還來問淚星。

題蘇州太守孔南溪壁上

白下聞雲異下過。偶來燕寢晚烟衰。十科進士同年少。三守名邦異政多。明月上窗花送影。涼風穿樹酒生波。好將魯國孤裘誦。付與金閨士女歌。

舟中作三韻詩四首

昨日逆風打船頭。舟人背纜如背牛。今日順風送船尾。布帆一日行千里。昨日非拙今非賢。艙中有人笑向天。良馬書行夜不行。艙聲日夜無留停。居家避客門常閉。舟中開門客不至。人生三萬六千場。惟有舟中日最長。前年尋春春不得。杜住蘇州嚼冰雪。今年尋

春春更香美人如雲隔仙島造化小兒笑未終除却此事難惱公

東家鳴鳥鳴可怪欲

殺無刀心不快西家狐狸蹲上屋欲射無弓心不樂老僧枯坐發愁嘆不見容易不聞難

哭座主留松簡少宰

十年前別淚先彈原恐衰年再見難幾度信來傳老病恰欣人到說平安今朝絳帳真零落他日黃壚更渺漫白髮彭宣賴廬墓元堂當作後堂看

哭徐芷亭方伯

萬里黔關二品身一行遺表泣孤臣老懷怕數同年客天意先亡古道人心花下馬蹄留舊跡水邊楊柳換新春相思曾有詩千字不及傳箋倍愴神

癸未元日

歲首百事忘天晴萬花喜元日如今年人生能有幾隨眾披新衣澄懷觀妙理阿母扶上堂同拜尚有姊女兒各倩妝嬌甚不成禮四隣爆竹聲申旦猶未已傳坐伺過客來者亦數起喜界編年詩怯增坐席齒吾生自有涯節序何時止欲作迎春行先從探梅始

唐人元旦飲客號曰

傅生見續畧

新正四日望山尚書召飲四鼓方歸次日將此夕言論賦詩呈覽

正月四日春風新尚書折簡招幽人幽人家住雲深處白雲滯入朱門去燕寢凝香靜不譁

香梅開偏後堂花。為憐盧植傳經學。特領彭宣拜絳紗。侍兒手捲流蘇帳。夫人出見東廂上。
身受金閨曠代恩。果然玉立天人樣。天家頒到御厨珍。仙鹿黃羊味絕倫。一餐得飽先生
饌。餘瀝還霑。聖主春。醉步西園待新月。飛花爭繞郎君筆。僅塵人陪幕府談。提燈僮報先
生出。絳蠟燒殘第幾條。金商嚼徵興方饒。文章甘苦深嘗處。彼此麻姑瘡欲搔。自言七十明
年夢。江花江草看無數。戀闕情深屢乞歸。報恩身老時愁誤。不吹風笛唱新腔。只願烟村留
雨露。玉帳牙旗三十年。家鄉回首貧如故。更將舊事說滄桑。老落燈前淚數行。往日先公辭
祭酒。曾從潘底識。先皇。陽城起復恩何速。陸贄登科耆更長。半世閒身如鼎鼎。五年詞
館即封疆。重重獎許。君王詔。暴喪爾日猶年少。今夕聽米感不禁。當時身受如何報。夜深
官鼓響鼗鼗。潞國精神少倦容。廣長妙舌天河水。一樣瀾翻聽未終。山人還山夜四更。梅花
紙帳一燈明。怕成陳迹將詩寫。尚有餘波記不清。

寄答樹齋雨林

香桃飄雪柳拖綿。公子題襟又一年。惆悵春泥沒人掃。馬蹄留迹在門前。花箋爭寄水
雲遙。白雪清商韻共飄。想見通侯門第靜。一家天上奏簫韶。怪我遲遲答報章。年年聽
雨宿橫塘。君看天外孤雲影。料是幽閒轉是忙。惜別吳兒淚滿衣。至今江柳尚依依。知
情只有司花鳥。銜著櫻桃向北飛。

嫁女詞四首

春花多辭樹嫁女多辭家明知理當然不謂事遽加我有阿成女容顏如朝霞嬌語聽連環
傳經倚絳紗幼態宛如昨般送忽登車平章合歡鈴辦治宜男花有珠懼勿明有服嫌勿華
東具西復缺禮備儀又差姑姆議瑣瑣膝御爭呀呀謁我陪門錢買我離別嗟雖了所生局
未卜所通佳嫁女與添丁畢竟誰惱命同居人暫離愁馬心慙況是掌中珠懷中最嬌小

我又無男兒衰鬢如蓬葆藉此慰所無起居伴昏曉人視已長成我視猶襁褓并此復垂分
教我如何老夫婿住姑蘇江天水渺渺田多戶祭忙族大持家早歸再豈不歸路遠終知少
堂前畫悄悄膝下風悄悄中郎幾卷書他日付誰好東家嫁女兒珠翠傾千箱道路多

側目門閨生輝光一朝失婦德所贈都如忘西家嫁女兒荆苕與布裙奴婢嗤其陋戚里嫌
其貧未幾聞賢淑黃金鑄婦身姑恩不在富大悔不在容但聽關雎聲常在春風中澤髮可
不順何以施簪篋敷粉尚不和何以光容儀即小可悟大柔情須自持毋違夫子訓毋貽父
母咎未嫁女如兒已嫁女如客送客出門去主人頭愈白風寒咏絮窗月冷畫眉筆

阿母淚盈盈全家如有失難忘辭別時繞案分梨栗妻負嬉游天下九及初七數名既無成
骨肉復蕭瑟嘉耦自然雙此累幸而一巍巍五嶽山欣然洗雲出催我游勿遲平生事已畢

偶成

春宵好景怕相忘。有得頻題墨數行。花落竟疑鋪錦地。鳥啼知入選歌場。鏡分山色圖成畫。書作屏風掩洞房。莫道主人不知樂。夜深猶自繞回廊。

早開梅凍傷矣慰之以詩

千樹梅花開一樹。忽遇春寒又勒住。頗似良朋訪我來。自悔孤行復回去。憔悴有心合自憐。從來風氣莫爭先。請看一種調羹者。別有東風二月天。

翻書得花數瓣上寓庚午年收藏愴然有作

展卷方知色不空。幾行綠字襯殘紅。十三年上春還在。逃出華嚴劫數中。霓裳久已散

仙班。一片香雲影獨還。寄語成烟先去者。無書原不住人閒。月地雲階事渺茫。蠹魚也

解護紅香看渠風雅歸依後。洗盡鉛華換墨妝。留仙珍重說持裙。可奈吟殘手又分。改

置離騷第三冊。招魂開卷易尋君。絕代穠華逝水流。啼痕鬢影惹春愁。傷心玉貌誰長

在。不是人身尚可留。

寄師健中丞

去年見明公。如坐春風懷。今年對春風。如見明公來。春歸未歸懷。抱何由開。憶昔在江城。知音日與偕。花箋寄遙名。元理談蕭齋。一朝送旌旗。羽翼臨風飛。宮門立須臾。訪仙到蓬萊。行轅偶參謁。一見抵百回。而今又經年。春光轉秦淮。空教沈憶雲。不見月當階。流水猶可割。

相思誰能裁。因風寄遠音。翹首看三台。

花下

花下壺觴月下歌。風中鶴望雨中蓑。律嚴自累詩成少。園小翻嫌客到多。古石疊高雲漸起。新池開闊水微波。看儂如此山中住。可肯簪纓換薛蘿。

答中丞見寄

一葉瑤華至。開函喜不支。春來知老健。札外有新詩。風調曹劉上。襟懷稷契期。遙天雲五色。紅處是旌旗。

春日雜吟

春宵夢醒月華涼。窗外花開窗內香。花似有情來作別。生隨風去半升堂。曾向西溪插

柳條。隔年相訪絮全飄。一雙翠鳥清狂甚。故立風枝自蕩搖。為少栽培瘦牡丹。又緣冬

冷損幽蘭。憐渠略比屋芳貴。便累園丁服事難。風雨多時易落英。陽鳥如久可憐生。

遙知花意同人意。只乞春陰不乞晴。認取春泥記簪梢。自驅黃鳥管櫻桃。不曾聞著絲

綸手。何必逢山釣大鰲。寂寂柴門雀可羅。牡丹開後客頻過。山花未免從旁笑。到底人

貪富貴多。每悟生機參物理。鸞鴛無語止幽窗。請君數遍閒花草。若個新牙不是雙。

雨後流泉響不禁。綠波明處照春心。呼僮拔盡池中草。莫使人知水淺深。一枝桃

插膽瓶斜。未許春歸到別家。欄路蜜蜂狂太甚。公然來采手中花。

兒女輪流各賞春。

酒杯終日對花新。高堂戒我無他出。阿母明朝作主人。

五尺屏風八尺牀。洞房強半近。

書房為貪花裏看眼早。不負燈光負月光。

靜坐溪頭學釣翁。蜻蜓數遍水光中。幾條金

線忽搖曳。楊柳比人先覺風。

送婿偕女歸吳門

看騎竹馬忽東牀。原是東家主樹行。江上親迎春二月。山中成禮日三商。美如孺子官終貴。

編到韓文望正長。慚愧名流成樂令。冰清清到女兒箱。

左家嬌女髮垂髻。歸妹初占第六爻。^{第六行}吳語乍聽應未慣。秦樓暫住忍長拋。閨中失禮憐渠小。堂上承歡仗汝教。此去橫

塘春未艾。合昏花正放新梢。

四月八日侍望山公西園壽譙作

香烟吹滿石城東。聽祝如來又祝公。隱者稱觴官散後。尚書留客月明中。階前指樹年同老。

露下看花色更紅。天上蟠桃都手種。今朝幾處醉春風。

論文每到夜三更。賭背唐詩口應聲。慣把精神壓年少。平分福壽與蒼生。古稀預卜來春近。

恩禮遙看曠代榮。只願佛

緣南國久。少微永傍歲星明。

虎邱懸一魚頭長三文詢其被獲情節為作巨魚歌